

آبونه شرائطی

ممالك عثمانیه ده سنه لک (۶۵) ، التي
آیلقی (۳۵) غروشدور .
ممالك اجنبیه ده سنه لک (۱۷) ، التي
آیلقی (۹) فرانقدر .

اداره خانه

باب طاب جاده سنده اورخان بک خاننده
نومرو ۲۳-۲۶

اخطارات

آبونه بدلی پشیندر .

§

مسلكه موافق آثار مع المصنویه قبول
اولنور م درج ایدیا مین یازیلر
احاده اولوغاز .

~~~~~

# الکشاف

سر ۱۳۳۰

## اخطارات

رساله مزدن آلندیغی کوسترمک شرطیله  
یتون یازیلر هر هادی بر خیزته طرفندن  
اقتباس اولونه ییایر .

§

مکتوبلرک ، امضارک واضح و  
اوقوناقلی اولمسی و آبونه صبره  
نومروسی محتوی بولونمسی لازمدور .

§

ممالك اجنبیه ایچون آبونه اولانلرک  
آدرسارینک فرانسه ده یازلمسی  
رجا اولنور .

§

پاره کوندرلدیکی زمان نه یه دائر ولدیغنک  
واضحاً بیلدیرلمسی رجا اولنور .

~~~~~

اتبعون اهدکم سبیل الرشاد

دینی، علمی، ادبی، سیاسی هفته لک مجموعه اسلامییه در

والله یهدی من یشاء الی صراط مستقیم

صاحب و مدیر مسئول : ح . اشرف ادیب

جلد ۱۰

۵ ربیع الآخر ۱۳۳۱ پنجشنبه ۲۸ شباط ۱۳۲۸

عدد ۲۳۵

یو کسک چقمغه، عرصه وسیعه ده تلی طراقة لرحصوله کتیرمه باشلامشدی. یاس اسلامک اک مهم قسمی ایسه مسئلهک ایستنه یلیدی مرتبه آجیق اولامسی تشکیل ایلورایدی: عجباً محترم خلیفه حرك ديارنده دها نه کی خلیفه لر وقوه کتیریلور...

اوکون اوکلندن بر ساعت صکره مجتهدین طافیلدی. انکلیز مأمور سیاسی مستر بیفر اقسامه طوغرو بر بیاننامه نشر ایدرک قتل عامک وبو خصوصده کی شایعات و اخباراتک خلاف حقیقت اولدینی سویلیوردی. هانکیسته اینانهلم؟

اون برکون صکره راکب اولدیم واپور بنی ارقداشمله برابر بومای قره سولرندن عاملک سینّه سیاهنه طوغرو چکیوردی. ویل اسلامک باشنه که نه فلاکتلی ساعتلیم ایدی. مقصدم حقیقی اکلامق ومقام خلافتی زیارت ایلک ایدی. ایشته بر جریده مبارکه اسلام حضورنده اعتراف ایلورم که بن مقام مقدس خلافتی دها زیاده حدید وغلغله دار کورمک ایستر ایدم. ایلک ایشم جراثید اسلامیه یی طویلا یوب اوقومق اولدی. بن بر شی آریور ایدم. او صحیفه لرده نه لر، نه لر. کورمک استردم. استه دیکم کی کورهمدم. هانیا مقام خلافتده بو قدر ادیب وشاعر وار ایدی. اولر، او محترم صیالر بویه برکونده نه حق وصلاحیتله ابکم ایدیلر؟

هندک وبتون عالم اسلامک تحسین واحترای اوزرینه اولسون که محمد عاکفک پاک قلبندن، تمیز وجداندن قویان ناله وفریاد آسمان اسلامی تترمه کفایت ایلور. الله عاکفدن راضی اولسون... بوکون سبیل الرشاد صحایف مبارکه سنک عالم اسلام وهنده ایتدیکی خدمت بیوکر، مبعجلدر.

بن بوراده پک بیکس و بیاهییم.. پک آز علما وعقلا ایله نائل شرف ملاقات اولدم.. واسته دیکم معلوماتی ایدینه رک دین قرده شلریک نظر اطلاعنه قویدم. طنینده نشر ایتدیکم مقاله مدهده بیلدیردیکم وجهله اسلام انتباهی ایچون هر خدمته قاتلانده حق ایدم.

کچنلرده اوراق حوادث اسلامده اسلام انتباهی حقدنه بر مقاله مصادف نظر دقم اولدی. اوچ کون قدر کزدم. هیچ اولماز ایسه بو اثری یازان ذات ایله کوروشمک، دردلمک استهدم. آرزوی تشدید ایدن بر نقطه ده اشبو اثرک بالجله لسانلر ایله هندلرساننه ترجمه سنه ایتدار ایدیلر چکی حوادثی ایدی. کچن جمعه کونی صاحب اثره مراجعت ایلدم. بنی او ذاتک اقامتگاهنه کتورن آدم صاحب اثر حقدنه فضله بر معلومات ویرمیش ایدی. بن قارشومده کندی یاشیده بر ذات کورمچکی ظن ایلکده ایدم. بر آرز صکره زیاده سیله اسمر رنگلی کنج بر بک یاغمه کلدی وطوغریجه ایکی آلمی ده آیری آیری اویدی.. عصبی وحدتلی بر حالده آلری تتره یور ایدی. کوزلرنده وباقییننده فوق الفایه بر شدت بلیریوردی. سبب زیارتی ایکی کله ایله اکلاتدم: «بن اسلام وعثمانی مؤلفلرندن لایموت حقیقتلرک صحیفه کچیرلمش اولسنی استر ایدم» دیم. ایشته او سروده او پارلاق باقیشی کنج عثمانی مؤلفی جراثید اسلامیه نشر ایدلش اولدینی یازمش اولدقلری اثری بکا ویردی. ایشته بو اثر حقدنه عرض معلومات ایلک اشتیاقندهیم..

اثر (اسلام قانندن دریای مدنیت) و (صلیب قارشوسنده هلال) سرنامه سی تحتهدر. اثرده مقدمه یه تصادف ایلدم. مقدمه یرینه (حضرت علی وحضرت سعد بن ابی وقاصه وبتون علمای اسلامه اتحاف در) دیه بر قید معنیدار وار...

اوطوردیم یرده الی درت صحیفه سنی اوقودم. وصکره صاحبنه خطاب ایتدم: - سکا بیک کره احترام... تکرار آلریمی اویدی. الی درت صحیفه بنی جدی تأثره غرق ایلش ایدی.

بوکنج مؤلف بومعنیدار ومهم اثر بنی بر طاقم صحنه لره تقسیم ایلش... صحنه دیورم. چونکه اثر عادتاً بر تیاترو حالنده در.. بو هر یرده موقع تماشا یه وضع ایدیلر چک، جانلی آدملر اوینایه رق اولغاقی تمثیل ایلیر چکلر... اسلام خلافتی وعثمانی سلطنتی نامه آوروپا مدنیتک روا کوردیکی حفسلرک برر برر اولانجه حقیقیله کوستریله چک. صلیب نامه ایقاع ایدیلان فساد و ظلم صحنه لرده

کوسترلشدر. بو اثرک بالجله بلاد اسلامیه ده تمثیل ایچون بوکنج مؤلف صرف مساعی ایلش. هندستانده، چینده، ژاپونیا ده، جاوا ایله مصرده، حق آوروپاک بلادنده کوستریله چک وتمثیل ایدیلر چکلر. هند لسانلرینه ترجمه سنی من غیر حد بن درعهده ایلدم.

بو اثر عالم اسلامی لایق اولدینی مرتبه ده اویندیرمچقدرد. بوکنج مؤلفه تکرار خطاب ایلدم: ایضاحات ایسترم، دیم.

مؤلفک کوزلرنده دها زیاده بر پارلاق بلیردی: - ایضاحات.. غایت بیسطدر، دیدی. آوروپا مدنی طرقتدن ارتکاب ایدیلن مظالمک بر ترجمه سی در، و بر تمثیل حقیقتدر. آوروپا مدنیت نامه شرقده واقعاتی شرقده پاکشاهله اولسون قتل ایدیلان برسیاحنه، بر میسیونرینه قارشو یوز بیکلرجه لیرا تفسیلات طلب ایلور و فیلولر حاضر لایور. بوکون اومدن آوروپا یدی یوز بیک اسلام نمشی قارشوسنده کور یوز میسکر، نصل ابکمدر؟ ایشته بوندن صکره ده آوروپا سکوت ایلسون. فقط اسلام هیچ بروقتده سکوت ایلهمیه چکلر.. دائماً سویلیه چکلر..

مؤلف اثر بر از طوردی وصکره دها کور بر صدا ایله: «درت یوز میلیون اسلامک انتباهی کره ارضده عظیم بر عامل سیاسی وجوده کتیرمچکلر» دیدی.

بن بوسوزی خلیفه دیارنده کی بر آدمک آغزندن طوعی استردم. قابیده عظمتله مزوج بر انشراح حاصل اولدی.. مساعده طلب ایلدم. مؤلف آیاغه قالدی. تکرار بر اولاد کی بن آلریمی اوپرکن: - آه، دیدی، آوروپا اسلام عرض وناموسنی بودرجه پایمال ایتدیرمه ملی ایدی..

محترم دیار خلیفه مؤلفک کوزلرندن آقان یاشلر بنده کوزلرمدن افقه باشلادی.

اسلام انتباهی یالکز بر اثرله اکثفا ایتاملدر.. آی محترم خلیفه دیارینک محررلری! بر از حرکت کلیکز، کوزلرندن قانی یاشلر آقیتهرق معصوم چهره لرینی مقام خلافت اوزاتان درت یوز میلیون اسلامه آجیکز واولری طریق وحدت وحقیقتنه ایصال ایدیکز.. واکلاتکرکه دین محمدی یی محو ایتک استه یانلر ایله مدنی آوروپا متفقد. اسلام دینه سؤ قصد وار.. اسلام عرض وناموسی آیاقلر آلتنه آلینبور.. آی اسلامک قلم وحقیقت صاحبلی! هلال شمدی سزدن بر امید بکلرور.. اسلام قارداشلیک سزدن و بوانتباهدن بر (آتی) بکلرور.. اونی نورلاندیریکز.. و بز هندولر سلامت دین واسلام نامه بتون موجو- دیمزی فدا ایدررز.. یالکز سزلردن نور استررز..

آی اسلامک بیوک عاکفی! او کتله مبارکه موحدین سنی اونوتیه- چقدر. چونکه سن وجدانتک نورندن اولره حصه لر آبردک، شعله لر بخش ایلدک. او بیوک خطابلرده دوام ایت. و بز هندلیلرده هر یرده، هر حالده سزلر ایله برابرز.. اکسیکمز بر امید و بر نوردر. اونی ده سزلرک ثبات ومثباتکزدن، عظمت ملیه کزدن، صاحب قدسی خلافت سزدن بکلرز.. اسلام انتباهندن هندولرده بر (آتی) مقدسه منتظر درلر. حیدر آبادی

عل صاحب تقی خان

تاریخ اسلامه آنوره مبعجلدر:

وطن دردی؛ اولاد آجیسندن مقدمدر!

دنیا ده تک بر اولادم، جکر پارم، استنادکاه رفاه و معیشت وار: محمد بک!.. بونی حیاتم قدر، حق دها زیاده سوهرم. اونک اوافق بر تبسمی بکا دنیالری باغشلار! اولادمی غایت عزیز ومرفه بیوتمشدم؛ ناز ونعیم ایچنده بسله مشدم. چونکه تک بر اولادم!..

شئون

کسور ناصیه سی الهالینک صبی . — بالیکسری به مربوط کوجوک ، فقیر بر ناحیه اولان (کسود) اهالی محترمی اعانه ملیه اوله رق دفعه بش یوز طفسان کسور لیرا جمع وارسال ایتدیکی کی شرائط لازمه یی حائر (اون سکز) ندره فدائی کوندره شلردر . محترم کسود لیلرک اعانه مذکوریه یی (بیک لیرا) به ابلاغی تعهد ایتدکاری ده مستخبردر . نواحی سائر به قات قات فوق ایدن دیندار ، حیثی کسود لیلری تبریک و بوبابده کی مسلمانجه همتلرینه صمیمی صورته تشکر ایده رز .

اسرور جنایتلرنده : روم ایلیمه طریقه نانه اسلام قیصری رومییه همدیه کوندره یلور . — دون رومانیان کلش اولان بر ذات اداره خانه مزه اوغرایه رق قیلریمزی پر خون ایدن بر جیمه یی نقل ایتدی و بزه قانلی کوز یاشلری دوکدیردی . بو ذات طونه اوزرنده شاهده اولدینی بروقه یی شو صورته اکلادی :

« روسیه دن بلغارستانه بر جوق عسکرله برابر لوازمات حربیه کونده . رلدیکی و بونلری حامل اولان واپورلرک طونه دن کجه جکی شایع اولمشدی . بزه برقچ مسلمان و رومانیالرله برابر کورمک اوزره بو قاز کوی قصبه . سنده کی کوپری اوزرنه کیتمشدک . فقط روسیه دن بلغاریه واپور کجه جکته بلغاریدن روسیه به متوجه اوج واپورک کلکده اولدینی کوردک . واپورلر کوپری به یناشنجه ، برنجی واپورده الی آلتش قدر اسلام قادین و قیزلری بولندیغی مشاهده ایتدک . بو یچاره لر ، بزی کورنجه اللریله بر جوق اشارتله یاپه رق استمداد و استرحاماته بولنجه باشلادیلر . فقط واپور مأمورلری بونی حس ایدرایتمز یچاره لری ایچری به طیقیدیلر ، هر طرفی قیادیلر ، آرتق برداها کورونمیدیلر . اجرا ایتدیکمز تحقیقاتده بوبدخت قادیلرک روم ایلیدن طویلانین اسلام قیزلری اولدینی و هدیه اوله رق روسیه به کونده رلدکلری آکلشادی . اولجه ده داها بوکی برقچ قافله اعزام ایدلش اولدینه دائره قناعت بخش معلومات ویرلدی . وقعه یی تماشا ایتدیکمز ائنده یامزده رومانیانک استرا . مانغالی قضا سی داخلنده قره عمر قبه یه س پیرماری (مدبری) ایلده داها برقچ رومن ده واردی . بونلرده مشاهده ایتدکاری شو منظره وحشته قارشی اعلان نفرتدن کندیلرینی آله مدیلر .

مصر :

مسلمه بمبارده . — لوندزه دن وارد اولان بر تلغرافنامه ایلده بیلدیریلکینه کوره : قاهره نکه عربله مسکون شهر خارجنده کی محلاتندن برنده بیوک بر حریق ظهور ایدرک تمام اون سکز ساعت دوام ایتش و ۲۵۰ خانه طمعه لهیب اولمشدر . ۱۲۰ کشی یامشدر . ۵۰۰ کشی ده آچقده قالمشدر .

روسیه :

روسیه مسلمانلرنده نهضات اقتصادیه . — قریم شبه جزیره سنده کاش کرچ قصبه سی اهالی اسلامیه سندن اسماعیل افندی شهر مذکورده برخالی وقاش فابریقه سی تأسیس ایلده مشدر . بوفابریقه ده ترکیا و طاغستان خالیری کی خالیر طوقونمده وقاشلر اوزرنه ظریف و ماهرانه نقشلر ایشلمکده در . § چوخه وشیاق تجارندن رشاد افندی قرانده بیوک برشیاق فابریقه سی تأسیسه ایتدار ایشدر . بوفابریقه قوه الکتریقیه ایلده ایشلیه جک و هر نوع یوک قاش اعماله صالح اوله جقدر . سبیراده سیمی شهرنده بیوک بر مقارونیا فابریقه سی تأسیس ایتک اوزره برقچ مسلمان تجاری یکی بر شرکت عقد ایشلردر . § روسیه ممالک داخلیه سندن « سامارا » جمعیت اسلامیه سی ، مسلمانلر

چونکه مرحوم زوجک ، مرحوم یوزباشینک یکانه میراث حیاتی ! .. بو ، برکون بکا کلش . کوزلرینه باقدم که : (انتقام) شراره لری صجرا یور ! دیدی :

— والدهم ، بی پک سوه رسین . دکلی ؟ سکا غایت آغیر وبلکه سنجه مالایطاق بر تکلیفده بولنه جیم . بیلورسین (روم ایل) آه (اغلامه با : لادی) ! ...

مقصدی در حال آکلامشدم ! و قتیله خاللرله روم ایل طرفلرینه کچرک اورالری فتح و تسخیر ایدن اجدادینک خون حماستندن بر قطره قان طمارلرنده طولاشیور ! ...

— اکلادم ، دیدم ، اولادم مقصیدیکی ! اجدادیکک وفاکار اولادی اولدیغی اثبات ایتک ایتورسین !

— اه راضی اولسون والدهم ، مساعده بیوررسه کز اوقاتمک بردامله سی ایلده دشمنک قطرات خوننی دوکمک ، ناموس اسلام یولنه اولمک ایتورم . همد (فدائی) اوله رق کیسده جکم ! ایلریده اوتن باندو :

ای غازیلر نشیده سی تریم ایدیور . تدارک ایتدیکم یوز سکز آرقداشمله برابر ایکی کونه قدرده حرکت ایدیله جک . بکا شمدیدن حقکی حلال ایت ! ...

— روحم ! نافع باش کتباتی ، اورادن آلدیغک سکز یوز غروش معاشی نه یابه جقسین ؟

— والده جکم ! دکل کتابت و معاش ، دنیایی (ناموس دین) نامنه آیاقلر آلتنه آلام . بیم معاشم طوبراقلر آلتنده ، بیابان و صحرا . لرده یانان دینداشلمه حقلرینی حلال ایتدیرمکدر ! ...

— اولادم ، تک بر اولادیکی ، بو کوربه قوزیکی نصل ترک ایده . بیله جکسین ؟

— بونی ترک ایتیه جکم . بونی ، و بو کی معصومینی دشمنک کوپکلری آغزندن قورتاره جیم ! بیم دماغده یالکیز بر حس وار : انتقام اسلام ! ... اگر بن اولورسم اولادمی آرسلان اوله رق یتشدیر ! مسلمان اوله رق تربیه ایت ! ...

بو ماجرادن صکره واردم ، کوزلرینی اوپدم . و دیدم :

— اولادم ! روحی تدقیق ایتدم . مرحوم باباک عینی ! ... بکاسن مراجعت ایتزدن اول بن سویله جکم . فقط اوروح حماستک سندن غلیانی کورمک ایتردم . چوق شکرکه بوکون اون کوره بیلدم . سکا یردن کوکه قدر حقم حلال اولسون ! دین یولنه غازی دکل ، شهید اولق شرفی قازانما کی آرزو ایده رم . سکا پک بیوک محبت وشفقت وار . یوزیکه باقمه قیامیورم . فقط آه ... اولادم ، دین محبتی ، وطن سوکسی — کونمه — هر شینه غلبه ایدیور ! بتون وصایاکی ایفای تعهد ایده رم . بوکا مقابل بیده بر تکلیفم واردر : الهکی ، دینکی زنه ار اونومه ... بالیکسری یوزباشی حریم